

亥21

3-1414.

黃帝內經素問補註釋文

一四



黃帝內經素問卷之四十八

榮六

黃帝內經素問卷之四十九

榮七

黃帝內經素問卷之五十

榮八



黃帝內經素問卷之五

黃

上海涵芬樓影印正統道藏本

黃帝內經素問卷之四十八



黃帝內經素問補註釋文卷之四十八 榮六

唐太僕令啓玄子王冰次註

宋光祿卿直秘閣林億等校正

宋守尚書屯田郎孫兆重改誤

至真要大論篇下

帝曰氣之上下何謂也岐伯曰身半以上其氣三天之分也天氣主之身半以下其氣三矣地之分也地氣主之以名命氣以氣命處而言其病半所謂天樞也

身之半正謂臍中也或以腰爲身半是以



居中爲義過天中也中原之人悉如此矣
當伸臂指天舒足指地以繩量之中正當
臍也故又曰半所謂天樞也天樞正當臍
兩傍同身寸之二寸也其氣三者假如少
陰司天則上有熱中有太陽兼之三也六
氣皆然司天者其氣三司地者其氣三故
身半以上三氣身半以下三氣也以名言
其氣以氣言其處以氣處寒熱而言其病
之形證也則如足厥陰氣居足及股脛之
內側上行於少腹循脅足陽明氣在足之

上脘之外股之前上行腹臍之傍循胃乳
上面足太陽氣起於目上額絡頭下項背
過腰橫過髀樞股後下行入肘貫臑出外
踝之後足小指外側足太陰氣循足及股
脛之內側上行腹脅之前足少陰同之足
少陽氣循脛外側上行腹脅之側循頰耳
至目銳眦皆在首之側此足六氣之部主也
手厥陰少陰太陰氣從心胃橫出循臂內
側至中指小指大指之端手陽明少陽太
陽氣並起手表循臂外側上肩及甲上頭

此手六氣之部主也欲知病診當隨氣所
在以言之當陰之分冷病歸之當陽之分
熱病歸之故勝復之作先言病生寒熱者
必依此物理也○新校正云按六微旨大
論云天樞之上天氣主之天樞之下地氣

卷六

主之氣交之分人氣從之

故上勝而下俱病者以地名之下勝而上俱
病者以天名之

彼氣既勝此未能復仰鬱不暢而無所行
進則困於飢嫌退則窮於怫塞故上勝至

則下與俱病下勝至則上與俱病上勝下
病地氣鬱也故從地鬱以名地病下勝上
病天氣塞也故從天塞以名天病夫以天
名者方順天氣為制逆地氣而攻之以地
名者方從天氣為制則可假如陽明司天
少陰在泉上勝而下俱病者是怫於下而
生也天氣正勝天可逆之故順天之氣方
同清也少陰等司天上下勝同法○新校
正云按六元正紀大論云上勝則天氣降
而下下勝則地氣逆而上此之謂也○

所謂勝至報氣屈伏而未發也復至則不以
天地異名皆如復氣爲法也

勝至未復而病生以天也異名爲式復氣
已發則所生無問上勝下勝悉皆依復氣
爲病寒熱之主也

卷六

帝曰勝復之動時有常乎氣有必乎岐伯曰
時有常位而氣無必也

雖位有常而發動有無不必定之也

帝曰願聞其道也岐伯曰初氣終三氣天氣
主之勝之常也四氣盡終氣地氣主之復之



常也有勝則復無勝則否帝曰善復已而勝何如岐伯曰勝至則復無常數也衰乃止耳勝微則復微故復已而又勝勝甚則復甚故復已則少有再勝者也假有勝者亦隨微甚而復之爾然勝復之道雖無常數至其衰謝則勝復皆自止也

復已而勝不復則害此傷生也

有勝無復是復氣已衰衰不能復是天真之氣已傷敗甚而生意盡

帝曰復而反病何也岐伯曰居非其位不相

得也大復其勝則主勝之故反病也

捨己宮觀適於他邦己力已衰主不相得
怨隨其後唯便是求故力極而復主反襲
之反自病者也
所謂火燥熱也

少陽火也陽明燥也少陰熱也少陰少陽
在泉爲火居水位陽明司天爲金居火位
金復其勝則火主勝之火復其勝則水主
勝之餘氣勝復則無主勝之病氣也故又
曰所謂火燥熱也



帝曰治之奈何岐伯曰夫氣之勝也微者隨之甚者制之氣之復也和者平之暴者奪之皆隨勝氣安其屈伏無問其數以平爲期此其道也

隨謂隨之安謂順勝氣以和之也制謂制

卷六

四

止平謂平調奪謂奪其勝氣也治此者不以數之多少但以氣平和爲準度爾

帝曰善客主之勝復奈何

客謂天之六氣主謂五行之位也氣有宜

否故各有勝復之者

岐伯曰客主之氣勝而無復也

客主自有多少以其爲勝與常勝殊

帝曰其逆從何如岐伯曰主勝逆客勝從天之道也

客承天命部統其方主爲之下固宜祇奉

天命不順而勝則天命不行故爲逆也客勝於主承天而行理之道故爲順也

帝曰其生病何如岐伯曰厥陰司天客勝則耳鳴掉眩甚則欬主勝則胷脅痛舌難以言五已五亥歲也



少陰司天客勝則欬噫頸項強肩背脊熱頭
痛少氣發熱耳聾目瞑甚則肘腫血溢瘡瘍
欬喘主勝則心熱煩燥甚則脅痛支滿

五子五午歲也

大陰司天客勝則首面肘腫呼吸氣喘主勝

第六


五

則胃腹滿食已而宿

五丑五未歲也

少陽司天客勝則丹胗外發及為丹慄瘡瘍
嘔逆喉痺頭痛嗌腫耳聾血溢內為癰瘕主

勝則胃滿欬仰息甚而有血手熱



五寅五申歲也

陽明司天清復內餘則欬衄噎塞心胃中熱
欬不止而白血出者死

復謂復舊居也白血謂欬出淺紅色血似
肉似肺者五卯五酉歲也○新校正云詳
此不言客勝主勝者以金居火位無客勝
之理故不言也

太陽司天客勝則胃中不利出清涕感寒則
欬主勝則喉噎中鳴
五辰五戌歲也



厥陰在泉客勝則大關節不利內爲痙強拘
瘕外爲不便主勝則筋骨繇併腰腹時痛

五寅五申歲也大關節腰勝也

少陰在泉客勝則腰痛尻股膝髀腠胫足病
瘡熱以酸肘腫不能久立洩便變主勝則厥
氣上行心痛發熱萬中衆痺皆作發於肱脅
魄汗不藏四逆而起

五卯五酉歲也

太陰在泉客勝則足痿下重便洩不時濕客
下焦發而濡寫及爲腫隱曲之疾主勝則寒



氣逆滿食飲不下甚則爲疝

五辰五戌歲也隱曲之疾謂隱蔽委曲之處病也

少陽在泉客勝則腰腹痛而反惡寒甚則下白溺白主勝則熱反上行而客於心心痛發

卷六

六

熱格中而嘔少陰同候

五巳五亥歲也

陽明在泉客勝則清氣動下少腹堅滿而數便寫主勝則腰重腹痛少腹生寒下爲驚澹則寒厥於腸上衝胃中甚則喘不能久立

